

## PROGRAMA ERASMUS – PRÁCTICAS CONVOCATORIA DE BOLSAS DE MOBILIDADE DE ESTUDANTES PARA PRÁCTICAS EN EMPRESAS EN EUROPA

Curso 2009 - 2010

### Obxecto

Esta convocatoria realízase no marco do Programa Erasmus, e ten por obxecto ofertar prazas destinadas á mobilidade de estudantes da USC para realizar prácticas en:

- empresas,
- centros de formación,
- centros de investigación ou
- outras organizacións en Europa.

Non se consideran entidades de acollida elixibles os seguintes tipos de organizacións:

- Institucións oficiais da UE
- Organizacións encargadas de xestionar programas da UE
- A representación diplomática do país do estudante no país de acollida

Toda a documentación e información sobre o programa Erasmus, en particular a relativa ás prácticas de estudantes en empresas, pódese consultar no seguinte enderezo web:

<http://www.oapee.es/oapee/inicio/pap/erasmus/presentacion.html>

### Prazas elixibles

Existen dous modalidades:

1. O estudante poderá propoñer unha empresa de fóra de España da súa elección para a realización das prácticas. Recoméndase que un profesor da titulación do solicitante actúe como titor deste. O número de prazas ofertadas é de 17. **As bolsas adxudicaranse segundo a orde de solicitudes ata cubrir as prazas existentes.**
2. O estudante poderá participar no listado de prácticas dispoñibles no consorcio no que participa a USC que coordina UNIVERSIA a través do portal web [www.practicaerasmus.es](http://www.practicaerasmus.es). Estímase que o número de prazas para esta modalidade será entre 8 e 12.

### Recoñecemento académico

As prácticas serán recoñecidas e incluíranse no expediente académico do estudante segundo o disposto no Regulamento de Prácticas da USC.

Os estudantes deben de matricularse no período de prácticas antes de comezalo segundo o disposto no Regulamento de Prácticas da USC.

O período de prácticas no estranxeiro debe constituír unha parte integrante do programa académico da USC ou un complemento práctico ao plan de estudos.

No caso de que o período de prácticas non forme parte do plan de estudos do estudante, a institución de orixe debe recoñecer este período como mínimo facendo constar a devandita información no Suplemento Europeo ao Título.

O recoñecemento unicamente poderá ser rexeitado se o estudante non alcanzase o nivel profesional requirido pola empresa de acollida.

### **Acordo de formación**

O acordo de Formación individualizado para cada estudante debe ser elaborado pola USC e constitúe a principal garantía do programa de prácticas Erasmus. Ambos deben estar asinados polas tres partes implicadas: o estudante, a empresa ou institución de acollida e a USC.

No devandito acordo debe detallarse o programa de tarefas ou de traballo que se levará a cabo, os resultados da aprendizaxe en materia de coñecementos, as competencias e capacidades que deben adquirirse, as disposicións relativas á titoría e a correspondencia do período de prácticas realizado coa titulación que estea realizando o estudante.

As posibles modificacións do Acordo deben realizarse no prazo dun mes a partir da chegada do estudante ao seu destino.

O Acordo de Formación e o Compromiso de Calidade pódense atopar no seguinte enlace:

<http://www.oapee.es/oapee/inicio/pap/erasmus/documentos.html>

Anexo V, V.1.

### **Requisitos dos estudantes**

Poderán optar ás prazas ofertadas os estudantes que cumpran todas as condicións esixidas polo seu Centro para poder realizar prácticas en empresas, ademais dos seguintes requisitos:

- a.- Posuír a nacionalidade dun dos países participantes no Programa Erasmus ou estar recoñecido polo país no que reside como refuxiado, apátrida ou residente permanente.
- b.- Estar matriculado nun programa de estudos oficial da USC, incluídos os estudos de Posgrao e Doutoramento, tanto no momento de presentar a solicitude como durante todo o período de prácticas.
- c.- Ter superado, como mínimo, o 50% dos créditos correspondentes á súa titulación.
- d.- Non ter participado con anterioridade no Programa Leonardo da Vinci.

### **Importe das axudas**

As prazas ofertadas serán financiadas con fondos procedentes do Programa Erasmus, cun importe máximo de 360 euros/ mes.

Nos 45 días posteriores á sinatura do Convenio de Subvención de Mobilidade do Estudante efectuarase o pago do 80% do total da axuda mediante transferencia bancaria á conta do bolseiro (sempre e cando o bolseiro fixera chegar todos os datos necesarios para isto). O 20% da axuda restante efectuarase unha vez que finalice a mobilidade e o estudante presente todos os xustificantes, certificados e informes que se lle solicitan.

Estas axudas teñen como finalidade contribuír a sufragar os gastos adicionais derivados da mobilidade dos estudantes e a súa estadía no estranxeiro.

### **Duración do período de prácticas**

O período de prácticas no estranxeiro terá unha duración mínima de 3 meses e máxima de 6 meses, (agás para as titulacións cuxos plans de estudos integren as prácticas cunha duración determinada) e deberá realizarse nunha empresa elixible<sup>1</sup> de calquera país membro da UE, países da AELC/EEE (Islandia, Liechtenstein e Noruega) ou países asociados (Bulgaria, Romanía e Turquía).

**As estadias poderán iniciarse a partires do 15 de abril de 2010 e terán que estar rematadas EN TODO CASO antes do 30 de setembro de 2010.**

### **Procedemento de solicitude**

#### **- Documentación:**

- a.- Modelo de solicitude, dispoñible no enderezo web: <http://www.usc.es/internacional>
- b.- Carta de aceptación da empresa de destino, indicando as datas previstas para a realización da actividade.
- c.- Acreditar adecuadamente o nivel lingüístico requirido pola empresa de destino

#### **- Prazo de solicitude e selección**

O prazo máximo de recepción de solicitudes é o 15 de abril de 2010.

**As bolsas adxudicaranse segundo a orde de recepción de solicitudes ata cubrir as prazas existentes no caso da modalidade 1.**

**No caso da modalidade 2, as bolsas adxudicaranse seguindo os criterios de selección establecidos no consorcio UNIVERSIA.**

Débese ter en conta ademais que para a asignación de beneficiarios respectarase a selección realizada pola empresa ou institución de acollida, considerando a dispoñibilidade dos solicitantes.

#### **- Presentación da documentación:**

Mediante envío da documentación ao correo electrónico: [relext@usc.es](mailto:relext@usc.es) (preferentemente)

**Ou á Oficina de Relacións Exteriores**  
Negociado de Admisión e Terceiro Ciclo  
Edificio Intercentros s/n  
27002 Lugo  
Tif. 982 28 59 00 Ext. 23569  
Fax: 34 982285907

### **Información**

<sup>1</sup> Considerarase elixibles como empresas de acollida a todas aquelas entidades que cumpran a definición de empresa. Por "empresa" enténdese calquera entidade que desempeñe unha actividade económica no sector público ou privado, independentemente do seu tamaño, o seu estatus xurídico ou do sector económico no que exerza a súa actividade, incluída a economía social (base legal, Art. 2, nº 25). As Institucións de Educación Superior están incluídas nesta definición.

Ext 23596/ 23569. e-mail: [relext@usc.es](mailto:relext@usc.es)

### Obrigas dos beneficiarios

a.- Cumprir cos compromisos adquiridos a través do Compromiso de Calidade en canto ao programa acordado durante a súa estada na empresa de destino, respectar as normas vixentes na institución ou empresa de destino.

b.- A efectos de xustificación de gastos, cada estudante que se beneficie dunha destas axudas deberá presentar facturas e comprobantes orixinais dos gastos reais ocasionados (locomoción e outras).

c.- Informe no que se describan as actividades realizadas e a relación coa súa formación académica, sendo esta unha condición indispensable para obter o recoñecemento das prácticas.

Contra a presente resolución, que esgota a vía administrativa, poderá interporse recurso contencioso-administrativo perante o xulgado do contencioso-administrativo de Santiago de Compostela/Lugo no prazo de dous meses a contar dende o día seguinte á súa recepción, de conformidade cos artigos 46 e 8.2.a) da Lei da Xurisdición Contencioso Administrativo, aprobada por Lei 29/1998, do 13 de xullo.

Non obstante, os/as interesados/interesadas poderán interpor recurso potestativo de reposición no prazo dun mes perante o órgano que o ditou. Neste caso non se poderá interpor o recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ao abeiro dos artigos 116 e ss. da Lei 30/11/ 992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro.

Santiago de Compostela, luns 23 de febreiro de 2010

O REITOR

Por delegación de competencias resolución reitoral de 12 de maio de 2009  
DOG do 26 de maio de 2009

O vicerreitor de Política Internacional

  
  
Agustín Merino García